

حیات

حیات دایما حیات... دنیا راها هر چه حیات قائم!...
- نجه -

اداره مرکزی :

آنقره ده ، استانبول جاده سنده آنقره
معارف امینکی یاشده کی دائرة

استانبول بورسی :

استانبولده ، باب عالی جاده سنده و سلی پرشیه
اداره خانمسی داخنده کی دائرة
تلفون : ۳۶۰۷

نفسی هر برده ۱۰ غرورده .

سنه لکی پوسته ایله ه لیرا .
(اجنی ملکتر ایچین ه دولار) .

ابونه و اعلان ایشلری ایچین استانبول بورسیه
مهاجرت ایدیلیر .
یازی ایشلرینک مرجعی آنقره مرکزدر .

صافی : ۱۰

آنقره ، ۳ شباط ، ۱۹۲۷

۱ نجی جلد

مصابه

انقلابه قارشى وظیفه لر مز

شو صوک هفته لرده ، صنعتک و ادبیاتک ملی
انقلابمه قارشى بورجلی اولدینی خدمت لردن ،
تعقیب ایتمه سی لازم کلن استقامتدن اوزون اوزون
بحث ایدیلدی . بوتون منور زمره نك انقلابه
قارشى ایفاسیله مکلف اولدینی بر جوق وظیفه لر
وارکن ، منحصر آ صنعتکارلر مزى تحطئه ایتمک ،
اعتراف ایتمه لی که برحق سز لقدر . هانی یکی حیاتک
اساسلرینی تثبیت ایدن متفکرلر مز ؟ نره ده
انقلابک حامللرینی تحلیل و تشریح ایدن مورخلر مز ؟
اقتصادی انکشافز ایچون مقتصدلر مز و مالیه -
جیلر مز عیجا نه دوشونیورلر ؟ پایلان انقلابلر
قارشیسنده حقو قیلر مزک دوشونجه لر نه در ؟
ایشته بر ییغین سؤاللرکه ، جوابلری آنجا ق
منفی بر ماهیته در ؛ و بو صریح وضعیت قارشیسنده ،
بو کونک منورلرینه دوشون وظیفه لرک ایفا ایدیلدیکنی
اصلا ادما ایدمه یز . بو سطرلر بر مؤاخذه ،
بر تنقید دکل ، بر حسب حال حتی بر اعتراف
ماهیته ده اولدینی ایچون ، بو حقیقی بوتون آجیلغیه
سویله مک قابلدلر .

هر اداره شکلک کندی ماهیته کوره
استناد کا هلری واردر : مستبد و مطلقیتیجی اداره لر
قرون وسطائی اساسلره ، حکمدارک مقدس

جمعیتلرکی بو کونکی تورک جمعیتی ده خلق کتله سنک
منافعنی اعظمی موفقیتله تأمین ایچون باشلیجه
« علم » و « اختصاص » استناد ایدم جکدر .
یکی حیاتک قور و لمقده اولدینی شو صیرالرده ،
تورک منورلرینه ، علم و اختصاص آداملرینه
دوشون وظیفه لرک نه قدر بو یوک ، نه قدر مسئولیتلی ،
لکن عینی زمانده نه قدر شرفلی اولدینی قولایجه
آ کلاشیلیور . اکر منور زمره ، کندیسنه
ترتیب ایدن وظیفه لری موفقیتله یایمغه عزم ایتمزسه
و بو اوغورده اعظمی فدا کارلقه ، فراغتله
چالیشمازسه ، ایستراسته مز ، خلق کتله سنک
حرمت و اعتمادینی غیب ایتمک محکومدر . قرون
وسطائی جمعیتلرده « علم و صنعت » سرائلر ایچون
بر نوع زینتدن ، حکمدارلرک و امتیازلی صنفلرک
غرور و نخوتلرینی اوقشامقده مکلف « طفیلی »
انسانلرک اویونجا قلدن عبارت کیدی ؛ مثلاً
عثمانلی ایمبراطورلغنک « مدرسه طالمیری » سلطانلرک
کیف و آرزوسنه کوره هر کون باشقا باشقا
فتوالر ویرمکدن اوتانمازلردی .

« حر فکر » ک ، « سربست مناقشه » نک
ممنوع اولدینی ، « دینی احکام » ک بوتون « دنیوی
ایشلر » اوزرنده تسلط ایتدیکی دورلر ایچون
بو بر ضرورتدی . حالبوکه ، ملی جمهوریت اداره سنده
عالملر و متخصصلر ایچون اک کنیش و فیضلی
بر فعالیت ساحه سی آچیلمشدر ؛ اونلر ، کندی
اختصاصلرینه تعلق ایدن بوتون ملی مسئله لر
اوزرنده دوشونمک و چالیشمقده ، افکار عمومی یی
تنویر ایتمکده مکلفدرلر . هر تورلو غرض و عوضدن

حقوقه ، و منفعتی حکمدار ایله مشترک اولان
روحانی صنفک و سرای آداملرینک اقتصادی
منفعتلرینه دایانیر . عثمانلی ایمبراطورلنی بوکا بر
مثالیدی : « سلطان » و « بندکانی ایله » مدرسه ،
« تکیه » ، خلقی استنار ایچون الاله چالیشیورلر ،
« حر فکر » و « سربست مناقشه » یه میدان
براقایه رق خلق کتله سنک « جهالت » یه دایا -
نیورلردی . « ملی مفکوره » یه ، « ملی حرث » و ،
خلاصه بوتون عصری مفهوملره دشمن اولان
بوسرای اداره سنک شئامتنی عصرلرجه چکدک !
بو اداره سیسته منه تماماً معکوس بر ماهیته ده
اولان « ملی جمهوریت » اداره سنه کلنجه ،
بوسیستم تمامیه « علم » استناد ایدر : تورک
ملتک عمومی اراده سنی تمثیل ایتدیکی جهته ،
امتیازلی صنفلرک دکل بوتون خلق کتله سنک
مشترک منافعه چالیشیر . « ملی شعور » ک
و « ملی حرث » ک انکشافی ، قرون وسطائی
مفهوملر و مؤسسه لر یینه تمامیه « عصری »
مفهوملر و مؤسسه لر اقامه سی ، « حر فکر » و
« سربست مناقشه » یه اعظمی میدان بر اقیلمه سی ،
بوسیستم مک اک بارز سجه لریدر . ایمبراطورلر
اداره سنک استناد ایتدیکی « منورلر » ، یا مدرسه دن
یتیشن عرب - عجم حرثیه مشبوع صوفتالر ،
یا خود ، تورک حرثیه بیکانه زوپیه لردن عبارتدی ؛
حالبوکه ملی جمهوریت اداره سنک « منورلری » ،
خلق ایچندن چیقان ، « ملی حرث » ایله « ملی
مفکوره » ایله مجهز و حقیقی معناسیله « عصری »
و « آوروبائی » انسانلر اولمالیدر . بوتون عصری

« ابتدائی » فرض ایله مکده درلر . بویه بر اصول ایسه علمه مغایر در . (صحیفه ۱۲-۱۳)

اساساً تکامل جیلر یو فکر دین حرکت ایله دکتری ایچوندرکه بو کونکی وحشیلر آراسته بشریتک ابتدائی دوره سنی تمیل ایدن قوملری تعیین ایدرکن ده خطا ایتلدر . جه مه للی و یانه ده Anthropos نامیه نشر ایلمکده اولان اتنولوجیا مجموعه سنک مؤسسی متوفی Schmidt شمیتهک و اونلکه هم فکر اولانلرک مطالعه لرینه استناداً ادعا ایدیورکه حقیقی ابتداییلر جوجه Pygmées دینلن قوملر در . آفریقاده کی بوشیانلر ، نه غریلر Negrillos ، آندامان آدلری بریلری ، مالاقاده کی سه مانفلر Semang ، فیلیپینده کی نه غریتور Negritos بو زمربه داخل عد اولونالیدر . (صحیفه ۸۴ - ۸۵) . بونلر آنترولوجیا نقطه نظرندن ده ابتدائی انسانیت نمونه سیدرلر (صحیفه ۸۶) . مع مافیه بو جوجه لرک ابتدائی انسانلرک حالی تام صافیتله بزه عرض ایله دکترینی ظن ایتمه لیدر . اولنرده ،

بوشیه (؟) بر انحطاط (؟) تشکیل ایدن بر تحاویله مروض قاشلدر . فقط بر جوق نقاط نظرندن ارضک ایلمک ساکنلرینه الک یا قین اولانلرینه اولنر در . (صحیفه ۸۷) . مادی مدنیتلری ممکن اولدینی قدر ساده در . اولنرک ککندن ده ساده آلت و فعالیت اولاماز . فقط بو آشاغی انکشاف سوبه سنده اولالری ده ایلرله مک قدرته مالک اولمالرینه عطف ایلمه لیدر . (معلومدرکه Archiv fuer vergleichende Rechtswissenschaft مجموعه سنی نشر ایدن Kohler کی بعض متفکرلر اولنرک ، مثلاً سه یلانده کی وه ادلرک ، مدنی سوبه لرینک دون اولمسنه نظراً ابتدائی انسانی تمیل ایده مه جکلرینی ، زیرا ابتدائی انسانلر اولنره مشابه اولسه یدی بشریتک بو کونکی ترقی درجه سنه اصلاً ایریشمش اولامایاجنی سوبه . مشاردی . جه مه للی غالباً بوا عراضه جواب و بریور) جوجه لر ذکدر ، فقط حاللرندن ، طبیعتک کندیلرینه بخش ایله دیکندن ممنوندرلر . ده افضله سنی ایسته مه یورلر ومتواضع شرائط حیاتیله لری ایچنده یاشایارق قناعت ایتکده درلر . (صحیفه ۸۹-۹۱)

بونقطه یه کلنجه مؤلفک نه ایچون ابتدائی انسانلرک عالمه حیاتی حقنده ایلری سورولمش اولان سربست مناسبات جنیه promiscuité نظریه - نی کتابک بشنجی فصلنده (صحیفه ۳۸-۵۱) مشری نکاح نظریه سنی آلتنجی فصلنده (صحیفه ۵۲-۵۸) وحکم امهات Matricat نظریه سنی (صحیفه ۵۸-۷۱) ده رد ایلمه مکده تهالک کوستردیکنی آکلار کی اولویورز . باخوفه نک ، مورغانک ، لوبوک ، فره زه رک فکرلرینی جرح ایلمه مک ایچون مؤلف مشکلاته دوچار اولمایور ، چونکه اوندن اول جوق جدی و مؤثر اعتراضلر یاییلمش بولونقمده در . فقط کندیسنک بو نظریه لری رد ایلمه مکه مجبوریت حسن ایلمه مش اولماسی اغلب احتمال اولنرک واقعات طرفندن تماماً تصدیق ایلمه مش اولمسندن دکل ، بلکه بو فرضیه لرک معصوم و صاف ابتدائی انسانک معصوم و صاف عالمه سی حقنده پیدا

ایلمه سی لزومه قائل اولدینی تصویری تأیید ایلمه جک ماهیته بولونمسنندر .

« انسان ابتدائی حیاتنده اصل حسله تابع بولونویوردی . » (صحیفه ۱۸۰) جه مه للی نک ابتدائی انسان اولارق بزه کوستردیکی جوجه لرده عالمه حیاتی حقیقه اصل حسله یاشامقده درلر :


جوجه لرده ازدواج عشق و سه نیاتی اوزرینه مؤسدر . ارکک دیشی تی فتح و ضبط ایتز ... ازدواج هرشیدن زیاده قارشیلقی بر سه نیاتی غره سیدر . (صحیفه ۱۰۵) جوجه لرده تعدد زوجات نادر در ، هر حالده بو کوتو عادت قومشو قوملرک سوء تقلیدیه پیدا اولشدر . (صحیفه ۱۱۷-۱۱۸) صداقت زوجیه دن انحراف وقعه لرینه صیق صیق تصادف اولونماز (صحیفه ۱۲۲-۱۲۶ و ۱۳۶-۱۴۳) . قادیکن موقی ذلیل دکدر (فقط جه مه للی نک تکامل جیلر آراسته رد ایلمه دیکی دوره یه ده ابتدائی اقوامده قادیکن موقعنک مساعد اولدینی بعضاً سوبه مه شمیدر ؟) ارککله قادیس آراسته عادتاً حقوقاً مساوات واردر . (صحیفه ۱۲۷-۱۳۵) . جوجوگک وضعینه کلنجه : حقیقی ابتدائی انسانلر اولان جوجه لرده جوجوگک وضعیتی تکامل جیلرک فرض ایلمه دیکنک تماماً خلافت در . تکامل جیلر ابتدائی قوملرک اصلاً اخلاقه مالک اولما . دقلرینی ، بالخاصه جنسی اخلاقه مالک اولمادقلرینی فرض ایلمه دکرنندن سربست مناسبات عاشقانه نک بو قوملرده موجودیتنه قائل اولشدردی . حالبوکه جوجه لرده باقلم ، نه کوروپورز ؟ ازدواجدن اول بر درجه سربستی وار ، فقط کیسه بوتون حیاتیجه بکار قالاماز . هله بر دفعه اوله نیلیم ؟ آرتق اسکی سربستی محو اولور . جوجوق دوغدقدن صوکر ا طلاق جائز دکدر .

تکامل جیلرک سربست مناسبات عاشقانه فرضیه سیله مناسبتدار طوطدقلری بواقعه ده ابتداییلرک یکی دوغان جوجوقلرینه قارشی غدارانه حرکت ایتمه لیدر (واد) . ابتدائی انسانک بسله میه جکی جوجوغنی اولدوردیکی ادعا اولونور . نته کیم عینی شرائط داخلنده اختیارلرکده اولدورولدیکی سوبه نیر . حالبوکه نه جوجه لرده نه ده جوجه کیلرده Pygmoides بوکی وجدانسزلقلر مشاهده اولونمایور . بالعکس بو قوملرده جوجوقلرک وضعیتی مکملدر . حتی جه مه للی جوجوقلره و بریلن اخلاقی وته کنیک تربیه دن بجه سیله فرصت بولویور ! مع مافیه مؤلف آفریقا مرکزنده کی نه غریلرک Negrillos بر استثنای تشکیل ایلمه دیکنی فقط بونلرکده لایقیله طامش اولمادینی و قومشو قوملرک نفوذلرینه تابع بولندقلرینی قید ایدیور (صحیفه ۱۴۴-۱۵۶) .

بو مشاهداته (!) نظراً ابتدائی انسانلرک اخلاق اعتباریه جوق یوکسک اولدقلرینی و مادی مدنیتک ترقیسنه مقابل بو یوکسک سوبه اخلاقیه نک ترقی ایتک شویله دورسون تدنی یه بیله اوغرامش اولدینی اعتراف ایتک لازم کایر . ایلمک دورده انسانلر اصل حسله متحسدیلر ، نک قاری ونک قوجالی برعالمه حیاته مالک دیلر ، برتک اللهه ایمان ایدیورلردی ، خبری شردن تفریق ایدیورلردی . صوکر انسانلرده

بر تردی وقوعه قالدی . دینی - اخلاقی ساحه ده انحطاط وقوعبولدی (صحیفه ۳۵-۳۶) . بوانعطاطک اسباب و شرائطندن زیاده ذهنده تجسس اویاندران جهت ایلمک مکملیتک اسباب و شرائطیدر : بو اخلاقی علویتک بر حکمتی اولمالیدر . اوده آنجی وحی الهی اولاییلر . علم وحیک واقع اولدینی کوسترمه یور ، فقط اونک ممکن اولدینی اثبات ایدیور . دیکک ابتدائی بشریتده کی اخلاق یوکسکلکنی الهام و وحی ربانی یه عطف ایلمه ملیز (صحیفه ۱۸۰-۱۸۱) .

مدافعه ایدیلن دعواتک نه اولدینی کوروپورز . قرون وسطاده فلسفه و علوم الهیاتک خادمی عد اولونوردی . جه مه للی ایله هم فکر اولانلر ایسه بو کون نه تنولوجیایی عینی طرزده قوللانقی ایسته یورلر .



پارامترک قیمتی

باره منک قیمتده متارکده بری واقع اولسه نزلک

در برسی % ۳۰-۴۰ ده فضلر دکدر

۱۹۲۶ دن ۱۹۲۷ سنه کیرکن ، پارامترک قیمتده بر سنه طرفنده کورولن تموجلر اوزرینه رجی بر نظر عطف ایتک ، و بو تموجلری کچمش سنه لرک تحولاتی ایله مقایسه ایدرک ، بوندن پارامترک قیمتده دائر اساسلر چیقارمق فائده دن خالی برشی اولسه کرکدر .

پارامترک قیمتده کی تحولاتی مادی بر صورتده تعقیب ایدیه بیلیمک ایچون بوستونلر آراسته قارلریزه تقدیم ایتدیکمز غرافیک تورک ایراسنک انکلیز ایراسنه نظراً وضعیتی کوسترمکده در . بو غرافیک دقتله تدقیق ایدیه جک اولورسه ۱۹۲۶ سنه سی طرفنده کی تموجات حقنده شو فکرلر اله ایدیلر :

۱- انکلیز لیراسی کانون ثانی دن نیسانه قدر تدریجی صورتده یوکسکلمش - آیک وسیلی فیثایله - کانون ثانیده تقریباً ۹۲۰ جوارنده ایکن نیسانده ۹۶۵ صولرینه چیقمشدر .

۲- مایس دن اعتباراً آغستوسه قدر انکلیز لیراسی تدریجی صورتده نزول ایتمش ۹۶۵ صولرندن آغستوس وسطی فیأته تقریباً ۸۸۰ غروشه ایتمشدر .

۳- آغستوسدن صوکره انکلیز قامبیوسی یکیدن ترفعه باشلامش وسنه صوکنده یه وسطی ۹۶۵ غروش جوارنده قیامشدر .

غرافیک عینی زمانده متارکده دن صوکره کچن یدی سنه نک تحولاتی ده تعقیب ایتکده در . هر سنه یه آیری آیری عطف ایدیه جک بر نظر استثنالردن صرف نظر ، عمومیتله ایلمک درت آیده انکلیزک ترفعه دوغرو کیتدیکنی یعنی پارامترک قیمتک دوشدیکنی ،

ایکجی درت آید. بالعکس انگلیزک ده‌ها زیادہ نزلہ میال اولدینی یعنی پارامزک قیمتک یوکسلدیکنی، نہایت سنه‌نک صوک آپلرنده ایلک آیلرده اولدینی کی بیه انگلیزک ترفع ابتدکی کورورز.

سنه‌لرک یکدیگریله مقایسه‌سندن جیقاریلجی ایکجی نتیجه پارامزک انگلیز لیراسنه نظراً تدریجاً قیمتدن سقوط ابتدکیدر. نیتہ‌کیم ۱۹۱۹ سنه‌سندن انگلیز لیراسی بزم پارامزله ۳۷۵-۴۹۰ آراسندن تفاوت ابتدکی حالده هر سنه بر مقدار کریله‌هرک مثلاً ۱۹۲۳ ده ۶۳۵-۸۰۰ آراسندن موج ایتش و بو حرکت دوام ایدہ‌هرک ۱۹۲۶ ده انگلیز لیراسی وسطی فی‌آئله ۹۲۰ ایلہ ۹۶۰ آراسندن اوینامشدر. بو صورتله پارامزک انگلیز لیراسنه نظراً کریله‌مسی عادتاً عمومی بر قاعده حالی اکتساب ایتش اولور. مثله‌نک بو صفحه‌سندن، اقتصادیات ایلہ دائمی صورتده مشغول اولیان قارلریزک بزه شوسؤالی توجیه ایتکه حتی واردر:


۱- مقیاس قیمت اوله‌رق نه‌دن انگلیز لیراسی آلورز؟

۲- انگلیز لیراسی قصورسز بر مقیاس قیمتیدر؟ مقیاس قیمت اوله‌رق انگلیز لیراسنک آلتامسی بو پارامزک بتون دنیاده حائز اولدینی اہمیت عظیمه‌دن دولاییدر. انگلیز لیراسنک بش قطعده، بالخاصہ اوروپاده، کیرمه‌دیکی قوغوق، حاکم اولمادیکی بورسہ یوقدر. بو، دنیاده انگلیز امپریالیسنک اقتصادی و مالی برشکیلدر. اکثر مملکتلرده پارامزک مقایسہ قیمتی ایچون انگلیزی اساس اغذا ایتکده درلر. فرانسزلر بیلہ کندی پارامزک ترفع ویا تزللی اک زیادہ بونکله اولچرلر. حقیقت حالده استرلین لیراسی جوق قصورلی بر مقیاس قیمتدر. بر پارامقیا قیمت اوله‌بیلک ایچون اولا کندیسی ثابت اولق لازمدر. مترو

بتون دنیاده طوللرک مقیاسیدر چونکہ آینشتاین نظریاتی قالہ آلتامق شرطیلہ - کندیسی ثابت برشیدر. بتون اوزونلقلری اوکا قیاس ایدہ‌بیلر. حالبوکہ استرلین لیراسی قیمت خصوصندن هیچده متروکی ثابت دکلدر. مثلاً دولار ودها ایسی آلتون انگلیز لیراسنه نظراً دها جوق ثابت - هر حالده تمامیلہ "دکل - برو قیمتدر. بونلرک مقیاس اوله‌رق آلتامسی مقایسہ‌بی دها صحیح بر مجرایہ ارجاع ایدہ‌بیلر. بونی لایقلہ ا کلامق ایچون انگلیز لیراسنک حرب ایچنده یاری قیمتی غائب ابتدکی، بر استرلین آلتونی ایکی انگلیز کاغذبہ مساوی کلدیکی، بیلک کفایت ایدر. کذا انگلیزی دولارله مقایسہ ایتدیکنز زمان بر انگلیز حربیدن اول تقریباً ۴,۸۷ دولاره مساوی اولدینی و دولار آلتونه نظراً اولان قیمتی همانده هیچ ضایع ایتدیکی حالده حرب ایچنده بر انگلیزک ۲,۵ دولاره قدر

دوشده‌کی و بوضایمانی تدریجاً تلافی ایدہ‌هرک ۱۹۲۴ سوکلرنده، بیه اسکی باشه‌باش قیمتی بولدیگی کورورز. بو ملاحظات کورسریووکہ انگلیزک مقیاس اوله‌رق آلتامسی پارامزک قیمتک تزللیک درجه‌سی حقنده بزی یا کلس نتیجه‌لرہ کوتورہ‌بیلر. انگلیز ۱۹۱۹ سنه‌سندن ۳۷۵-۴۹۰ غروش آراسندن موج ایتشدی، ۱۹۲۶ سنه‌سندن ایلہ ۹۲۰-۹۶۰ غروش آراسندن موج ایتشدر. او حالده بدی سنه‌ده پارا قیمتده ۱۲۰ درجه‌سندن بر تزل واقع اولشدر. دیک یا کلس بر حکمدر. چونکہ ۱۹۱۹ سنه‌سندن کی انگلیز لیراسی بو کونکی قیمتده کی بر انگلیز

پادہ‌هرک استرلین لیراسنه نظراً موجاتنی سنه‌غرافیکدر



لیراسی دکل هر حالده یاری ویا قیمتی بر انگلیز لیراسیدی. انگلیز قیمتده بو جهتلی نظر دقتہ آلہ‌رق حسابی اوکا کوره تصحیح ایتک ایجاب ایدر. بو محادله‌نک حل ایچون اقتضا ایدن معلوملری بورسہ جدوللرینک دقتلی بر تدقیق ایلہ بولق ممکندر. بز بورادہ بواوزون وصیقی حسابلرہ قارلریزکی اشغال ایتک نیتندہ دکلز. یالکز بو باده قیسه بر فکر ویرمک ایچون مقایسہ‌بی بالنسبہ ثابت اولان آلتون نورک لیراسی ایلہ تکرار ایتدیکنز زمان پارامز، استرلین لیراسنه نظراً، ۱۹۱۹-۱۹۲۵ آراسندن، ۱۰۰٪ قیمتده تفاوت کورسریووکہ حالده آلتونه نظراً اولان مقایسہ‌نک ۲۵-۳۰ نسبتده تفاوت کورسریووکہ ذکر ایدہ‌جکزه بولسبت تزل اولکنه نظراً هر حالده دها جوق دوغوردر. خلاصہ انگلیز قورلرینه نظراً پارامزک قیمتده

کورولن تزل حقیقی تزل کورسریووکہ، فی الحقیقه تزل واقعدر. فقط درجه‌سی غرافیکده کوروندیکندن دها جوق آزدر. وسطی اوله‌رق پارامزک حربی تعقیب ایدن ۷ سنه طرفنده قیمتده تدریجی صورتده مجموعاً آنجق ۳۰-۴۰ جوارنده بر شی غائب. ابتدکی قبول ایدیلہ‌بیلر. اسکی تاریخلری بر اقوب‌ده بو مقایسہ‌بی صوک ایکی سنه، ۱۹۲۵ و ۱۹۲۶ سنه‌لری، آراسندن یاپدیمنز زمان ایلہ بو فرق آنجق ۵٪ راده‌سندن اولدینی کورورز: چونکہ بو ایکی سنه طرفنده انگلیزک بذاته قیمتده اساسی هیچ بر تحول اولدینی حالده قامیو ۱۹۲۵ ده ۸۰۰-۹۳۲ و ۱۹۲۶ ده ۸۸۰-۹۶۵ آراسندن موج ایتش یعنی بر سنه طرفنده وسطی فی‌آئله ۸۸۹ غروشدن ۹۳۰ غروشه چقمشدر. آرادہ کی ۴۵ غروش فرق آنجق ۵٪ نسبتده بر تفاوت اراٹه ایدر.

بو مطالعات ایلہ حادثہ‌بی اولدینی کی نظر دقتہ وضع ایتکدن باشقه برشی یامش اولمادی. یالکز اولانی افادہ ایتک کفایت ایتز شیمدی بو موجاتک:

- ۱° اسبابی
- ۲° اجتماعی و اقتصادی نتیجه‌لری
- ۳° استقراری چاره‌لری تخری ایتک اقتضایدر.

پارامزک قیمتک تزللی بونک مقدارینه ویا قارشولسز اولمائه عطف ایدنلر و بوبادہ دولک اعتبارنی تقویه ایتک ایچون مادی بر قارشولق، بر تأمینات، بولق ایستینلر پک جوقدر. حقیقت حالده بوسیلر، هیچ اولمازسه بو کونکی حالیلہ، پاره‌هرک قیمتده اساسی هیچ بر تأثیری حائز دکلدر. شہسز کاغذ پارا ایلک اخراج اولدینی زمان، مقدارینک درجه‌تزیادی ایلہ متناسب بر تزل قیمت دورہ‌سی کیرمشد.

چونکہ نه دینیرسه دینسون پارا، بالخاصہ کاغذ پارا، قیمتک اک اساسی عاملی مقداریدر. حرب عمومی، و بر جوق مملکتلرده احوال حاضرہ، بو اقتصادی حقیقی پک بارلاق مثالرہ اثبات ایتشدر. لکن پارامزک مقداری ۱۵۰ کور میلیون لیرادن عبارت اولان حد اعظیمنی بولوب اوندن سوکره بونک مقدارینک هیچ بر تزییدہ معروض قالمیجی حقنده افکار عمومی‌جه قناعت حصوله کلدیکی کونندن بری بوتأثیر اہمیتدن دوشمش و اوکا کوره بر استقرار حاصل اولشدر. یکی تورکیه، دها جمهوریتک تأسیسندن اول، مملکتک حیات و معانی موضوع بحث اولدینی قارا کونلرده بیلہ، سم قائلدن دوا آرامق قیلندن اولان یکی کاغذ جیقارومق سیاستندن محبت اولدینی فعلیات ایلہ اثبات ایتش و بوسورتله صاغلام بر مالیه‌نک ایلک اساسی قورمشد. بو، بو کون بزه

قولای کورونور، لکن اوزمانکی وضعیتده، دکزه دوشنک بیلا نه ساریله مجبور اولدینی بر دورده، کوستریلن بوقدا کارلق پک یوکک بر قیمتی حائزدر. تاریخ بونی دائماً کمال شکرانله یاد ایده جکدر. بویله مشکل بر دورده مراجعت ایدله بن وسائطه یکی جمهوریتک مراجعتنه هیچ امکان یوقدر. بناءً علیه بو جهندن استقبال تحت امنیتده در. اعتبار دولت بوسیدن دولای الک کوچوک سارصیتی به بیله معروض دکلددر.

پارامزک آلتونله تحت تأمین آلتامش اولماسی ده نوجات حاضره ایچون برسب اوله رق ذکر ایدله من. فی الحقیقه پارامزک مبدأده پک جزئی مقداری ۶۰ میلیون لیراسی - آلتون و متباقیسی آلمان خزیننه بونولریله تحت تأمین آلتینشدی. لکن اوزمان اضطراراً مراجعت ایدلن بو تأمینات اصول پک جعلی و تماماً قیمتسز بر شکل تأمینات ایدی. حربدن سوکره آلمان خزیننه بونولریک قیمتک صفره یاقلاشماسی بونک نه قدار اهمیتسز برشی اولدیغنی کوسترمش وبالاخره بو تأمینات فعلاً اورته دن قالفنجه خلق اساساً بوکا هیچ بر اهمیت عطف اتمه مشدی. ذاتاً کاغد پارا بانقنوط دیك دکلددر؛ کاغذپارا، تأمیناتی اولمایان، صرف دولتک اعتبار شخصینه مستند اولان، پارا دیگدر. تأمیناتی اولان کاغد پارا مثالیرینه پک آز تصادف ایدیلر. ۱۹۲۲ دن سوکره واقع اولان نوجاتده بو تأمینات مسئله سنک هیچ بر رول ایفا اتمه دیکنی قطعاً ادعا ایده بیلیرز.

نهایت کاغد پاراده کی نوج اعتبار دولته کی سائر تحولاتدن ده متولد دکلددر. بو باید الک زیاده تأثیر ایده بیله جک اولان بودجه نک وضعیتدر؛ بودجه آجیق اولور دولت بودجه آجیق لری قاباق ایچون صیق صیق استقراض طریقنه مراجعتنه مجبور قالیرسه دولت، بورجی کوندن کونه آرتان بر میراث یدی کی، تدریجاً اعتباری غائب ایدر. استقراض تحویلتنک قیمتی دوشر، و کاغد پاراده بونلر کی بر قیمتی حائز اولدیغندن، هر کون ده فضلنه تنزل قیمته معروض قالیر. حالبوکه جمهوریت بودجه آجیق لری ایچون استقراض دورخی الی الابد تاریخه کومشددر. دیگر طرفدن دیون عمومی بودجه من الک نامساعد شرائط داخلنده بیله عموم بودجه منک آنجق ۱۰-۱۵ ی بریکونی تجاوز اتمه جکدر. حالبوکه بوکون اوروباده، دیون عمومی بودجه سی عموم مصارفنک ۳۰ نندن دون اولان دولتلر بارمقله کوستریله جک قدار اندرددر. منابع وارداتدن بر جوغنک هنوز خفیه ایشله دیله مدیکی، مالیه نک اصلاحی ایله دولتنک وارداتی مهم نسبتده تزییداتک امکان داخلنده اولدیغنی دوشونیه جک اولورسه، اعتبار دولت نقطه نظرندن پارامزک قیمتک نه درجه صاغلام اولدیغنی بر کره ده تظاهر ایدر.

پارامزک تنزلتنک سائق اصلیمی مالی دکل اقتصادیدر. بونی ایجه تحلیل ایده جک اولورسه ق الک اصلی سبی مملکتک موازنه اقتصادی سنده کی بوزوقلده بولورز. موازنه اقتصادی دیدیکمز زمان

یالکز کمرک ادخالات و اخراجاتی قصد اتمه یورز. بر مملکت مال واسطه سیله اولیه رق دیگر بعض وسائطه ده پارا کیرر و جیقار. مثلاً اجنبی سیاحلرک کتیردیکی ویا ممالک اجنبیه به کیدن تورکلرک کونوردیکی پارالر، اجنبی مملکتلرده برلشدیریلن تورک سرمایه لریک حاصل ایتدیکی فائضله کرک دولت کرک خصوصی تشبثات بیدله کتیریلن سرمایه لریک تأدیه ایتدیکی فائضلر، اوده نیلن ویا آلتان ناولولر، قومیسونلر،

ندامت

هر بویوک کدردن الهام آله رق
هجرانک شاعری اولشم مکر؛
کوکلی صوکسز بر درده صالهرق
اختیار اولمادن صولشم مکر ..

اویمشده کنجکلک هوسلرینه
بیپوده کندیمی ئوزوب دورمشم؛
آلدیغم زهیرمش، دوا یرینه،
اونی هرایچشده بن قودورمشم ..
چیلغین املارله - یازیق - عمریمی،
بر خیال اوغرینه ایشم هدر؛
محبت دینیلن ارکور دوکومی،
چوزمک ایسته دجه اولشم بتر!

کچمش کونلریمه باقینجه شیمدی،
دیرم که : نه قدار زوالیشم؛
بروهمه باغلا یوب بوتون امیددی،
یکرمی بش ییلمه نصل قیمشم !...
عارف روزگار

سیغورطه پریملری، ترانسیت تجارتک بر اقدینی ثروتلر هپ بو قیلدنددر. بوتون بونلری داخل حساب ایده رک مملکتک موازنه اقتصادی سنی یامق لازمدر. بو حسابی یامق صوک درجه کوچ برشیدر. بر جوق تدقیقات احصائیه به متوقفدر. رقمزلغنز و تدقیقات اقتصادی ده کی نقصانلریمز حبیلله بو حساب بزده شیمدی به قدار، ولو تخمینی بر صورتله اولسون، یایلمامشددر. لکن مسئله یی درینلشد بر مکسزین سطحی بر باقیشله ده موازنه نک دائماً مملکت علیه ده اولدیغنی میدانه جیقاره بیلیرز. کمرک احصائاتی تجاری موازنه یی یعنی کمرک ادخالات و اخراجاتی، متوالیاً مملکتک علیه ده اوله رق کوسترمکده در. اخراجاتمز ادخالتمزدن دائماً ۲۵-۳۰-۴۰ والخ نسبتلرده دون اوله رق کورولمکده در. سرمایه حرکاتی

اعتباریله ده دائماً مدیون موقعنده یز؛ ناولون قومیسون سیغورطه وسائر صورته آلدیغمزک و بر دیکمزدن جوق فضل اولدیغنده هیچ شبهه یوقدر. سیاحتک کتیردیکی وارداتک تورکلرک ممالک اجنبیه ده صرف ایتدکلری مبلغدن فضل اولدیغنی قبول ایده بیلیرسه کده هر حالده لهزه اولان بو فرق موازنه یی تأسیس ایتکدن جوق اوزاقددر. نتیجه ده موازنه حسابیه دائماً مملکتک علیه نه جیقاجقددر. پاره منک تنزل قیمتی ده ایشه بو وضعیتدن متولددر.

موازنه حسابیه مملکتک علیه نه در دیك اجنبیدن اولان آله جغیزله بورجز محسوب ایدلکدن سوکره قاله جق فرق ایچون اجنبی قامیوسی طلب ایدیله جک و بو طلب قامیونک قیمت یوککله جکدر، دیگدر. قامیونک قیمتک ترفی پارامزک قیمتک تنزلی دیگدر آجیق قرونیک اولونجه تنزلده قرونیک بر حال آلمق طبعیدر. ای پارا دورنده آلتون بین الملل بر پاره اولدیغندن، بورجلولرینه کندی آلتون پارامزله تأدیه دین امکانه مالک بولوندقلرندن، فضل طلبله، اجنبی پاراسنک قیمتی، معین بر حددن زیاده یوککله مزدی. بو حده مقتصدلر «آلتون نقطه سی» نامی ویریرلرکه بونک حدودی پارانک بالفعل نقلی ایچون اختیار ایدیله جک پوسته و سیغورطه مصارفی ایله سائر مصارف متفرقه نک یکونی تعیین ایدر. هر حالده بوفرک نسبتی اعظمی ۲-۳ جوارنده در. کاغد پاره دورنده ایسه اجنبیلره اولان بورجلری کندی پاره مزله تأدیه ایده میه جکمزدن تنزلک حدودی پک واسعددر. موازنه اقتصادی دن دولای واقع اوله جق پک بیوک اولور.

یوقاریده کی غرافیکلره تکرار باقه جق اولورسه ق تنزلک ده از یاده ادخالات و ترفعک ده از یاده اخراجات آلیرینه تصادف ایتدیکی کورولور.

مملکتک اخراجاتی بالخاصه مواد زراعه و ابتدائیه به و توتون انجیر اوزوم کی مواد استهلا کیه دن عبارتدر. بو محصوللرک موسم ادراک و اخراجلری الک زیاده یاز آلیرینه تصادف ایدر. بوموسمه قامیو مملکتده بولدر. اخراجات تجاری بونلری اوجوزجه تدارک ایدر. ایشه بوندن دولای بو موسملرده قامیوده بر تنزل کورولمکه باشلار. موسم کچنجه قامیو مقداری آزالیر و یکیدن ترفع باش کوستریر. بو اعتبار ایله یوقاریده کی غرافیکلری قامیو نوجاتنک الک زیاده موازنه اقتصادی تحت تأثیرنده واقع اولدیغنه دائر بر اثبات صورتنده تلقی ایده بیلیرز.

ایشته قامیو نوجاتنک سبب اصلینی بو صورتله اورته به قویمش اولوبورز. مع مافیه بونده باشقه سبیل یوقیدر؛ بالخاصه غرنه لریک هر کون علیه نه کمال شدنه بحث ایتدکلری اسبه کولاسیون بونزلده هیچ بر رول ایفا اتمه یورمی؟ بومهم نقطه آیرنجه تدقیق ایدیله جکدر.

ابراهیم فاضل

استانبول دارالفنون حقوق فاکولته سی اقتصاد مدرسی

